

清·方略館 編

清代 方略 全書

北京圖書館出版社



清代方略全書

一九一

清·方略館編

北京圖書館出版社

清·奕訢等撰

欽定平定陝甘新疆回匪方略

卷二七八——二九三

清光緒二十二年（一八九六）鉛印本

欽定平定陝甘新疆回匪方略卷二百七十八 癸酉年

五月十一日 戊子 成祿奏言探聞東來大股賊匪

萬餘攜帶家小悉竄出關自惠回堡至赤金連

營數十里兼擾及白楊河屯莊勢甚猖獗後面

並無追兵又據探馬飛報距城數十里紅柳灣

地方有馬賊數百游弋 臣 卽令營務處劉漢傑

同營官胡可均朱淮瀚各領本營馬勇由紅柳

灣迎勦再赴赤金會合令黑龍江統領穆通阿等帶所部馬隊由大路徑赴赤金截擊三月十五日劉漢傑等先至紅柳灣與賊接仗該逆敗遁劉漢傑等尾追至距赤金數十里適遇吉林馬隊正在退回賊匪數百在後跟追劉漢傑等迎頭衝殺吉林馬隊亦回馬奮擊該逆見有援兵仍復向東奔逸伏思臣督隊西征事事棘手

出關後軍糧短絀前後路隔絕不通今茲陝回
大股西犯扁都口地勢險隘有屯軍數營駐守
乃任賊安然出險追賊出險後雖有楊提督帶
十餘營追剿只追至肅州而止賊全數竄擾出
塞並不遣一人一騎追出關門一步先期又無
片紙公文知會其意直欲以關外爲壑但能驅
賊出關即可報功塞責臣兵少糧絕士氣自餒

縱不死亡亦須獲罪局勢必至於此此非臣故
爲逆億諒亦難逃

聖鑒臣惟有激勵將弁盡力攻勦現已飛飭各營會同
地方文武歸併屯莊堅壁清野賊蹤一至相機
力擊庶可殲此醜類奏入

上命軍機大臣傳諭左宗棠金順曰前據左宗棠奏官
軍襲破塔爾灣賊巢賊衆潰竄白彥虎已被槍傷其

竄向大覃灘黑山峽之賊人數不多似賊股漸已窮蹙此次成祿所奏則稱賊係全數出關勢甚猖獗情形不甚相符成祿所部本單豈能遏賊狂竄左宗棠當嚴檄追剿之師跟蹤進擊迅掃逆氛不得以驅賊出關遂爲了事金順著懷遵疊次諭旨帶兵剋期西行接統成祿所部將此股竄匪悉數殲除毋得稍事遷延致成滋蔓

湘寧新奏言刺西匪共平八軍機處

十六日

癸巳

邵亨豫奏言陝西用兵年久庫款支

絀查廣東省欠解月餉及協撥之餉截至四月

底止共欠解銀一百零四萬兩委員前往守催

分釐未解司庫支絀莫展一籌非有巨款協濟

實難支持危局惟有仰乞

天恩飭催廣東省毋論何款趕緊籌撥數十萬兩交前

派委員兼程赴陝以應急需奏入

上命軍機大臣傳諭瑞麟張兆棟曰廣東欠解陝西月
餉及協撥之項共銀二百零四萬兩陝省需餉孔亟
司庫支絀異常著瑞麟張兆棟督飭藩司無論何款
趕緊撥銀數十萬兩交該省委員領解俾濟急需毋
稍延宕

十九日丙申定安奏言據張曜函稱刻下調集分

防隊伍擬於五月初旬啟程西進該提督拔隊

在卽甯夏須兵填紮臣通籌區畫現擬甯夏一

帶有警卽先行檄令駐紮纏金之提督王鳳鳴

率馬隊馳往會剿其纏金地方須兵接防臣再

由包頭沿河各防兵內量爲籌撥無事仍各駐

防以資守禦昨據張曜函稱駐紮靈州之提督

譚拔萃已奉左宗棠知照令其俟張曜起行後

過河巡防若此軍前往並臣所派提督王鳳鳴

聞

馬隊暨甯夏駐防旗兵金順張曜底營官兵聯

絡聲援似敷防剿再查甯夏滿營官兵尙有二

三千名臣現已咨商署將軍豐紳等酌選精兵

訓練行陣籌給防餉飭令隨同各軍竭力堵剿

將來鎮懾地面亦可無煩客兵久羈奏入報

摺附密奏錄胡對並摺想由西山乘夜鼓竄

二十四日

辛丑

金順奏言

臣

於上月十五日曾將

軍情緊急擬設法拏問成祿接統其軍各情形
附摺密奏維時援逆擊敗由西山乘夜遁竄

臣

會商徐占彪力保長圍分段各守兩面如圍師
稍有移動恐反墮賊計致敗垂成遂於欽奉

陳

密旨後疊將該軍事宜悉心妥籌布置查向辦成祿營

務處之副都統明春素得軍心情形熟悉當經
先行派赴玉門一帶接辦該軍事務該副都統

三日與派催成祿之遊擊梁鳴鶴繞道前抵玉門茲
命重於月之二十三日梁鳴鶴催促成祿到肅臣當

卽宣傳

聖旨該革員跪聆之下深知愧悔連呼辜負

各營

天恩隨經臣飭委梁鳴鶴於四月二十六日由肅州押

解起程正在起解閒據明春稟稱接辦該軍事

務漸已整頓惟關外各州縣地方就地之糧萬

分缺乏勉強支持難濟目前查肅州附近亦係
艱窘甘州地方糧尙能辦而距肅四百餘里運
腳短絀轉饋殊難現在勦肅之師日需難繼聚
米乏術焦灼徒深至成祿留駐關內各營惟有
悉心整頓期於得力激勵將士早拔堅城奏入

上命軍機大臣傳諭左宗棠金順曰金順於四月二十
三日派員將成祿催赴肅州傳旨拏問押解起程已

明降諭旨將該革員解交刑部治罪矣甘肅至京道
路寫遠左宗棠當選派得力員弁協同護解並飭沿
途地方官小心遞解前進以期嚴密金順以肅州城
圍喫緊尙未起程西行先派副都統明春前赴玉門
一帶接辦該軍事務惟成祿所部必須金順迅往接
統大加整頓方能得力且賊匪近又紛竄出關尤當
隨時督隊截剿免致蔓延肅州軍務已諭左宗棠責

成徐占彪勦辦金順著懷遵疊次諭旨剋期出關接
統成祿所部埽蕩妖氛至關外糧米缺乏兵食維艱
金順所部軍糧著左宗棠妥籌兼顧檄令地方官設
法採辦轉運源源接濟以資飽騰毋稍膜視法王門
上諭內閣曰前據左宗棠奏烏魯木齊提督成祿前在
高臺苛派捐輸誣良爲叛枉殺二百餘人並虛報勝
仗籲請獎敘請飭廷臣議罪當經寄諭金順令其兼